

سواء محياهم ومماتهم | #خطبة_جمعة | د. حازم شومان

حازم شومان

كيف عاملت الله؟ كيف عاملت الله؟ ما يفعل الله بعذابكم؟ هو ربنا هيعزبك ليه؟ هيعذبك ليه؟ هو ربنا هيبنتليك ليه؟ الا لو عندك مشكلة وده علاجها. يريد الله بكم اليسر ولا يريد بكم العسر. هو ربنا يعقدها عليك - [00:00:00](#)

ان الحمد لله نحمده ونستعين به ونستغفره ونحمده ونستعين به ونستغفره ونستغفره ونعوذ بالله من شرور انفسنا ومن سيئات اعمالنا. اللهم انا نعوذ بك من شرور انفسنا ومن سيئات اعمالنا. انه من يهده الله فلا مضل له. ومن يضل فلن تجد -

[00:00:38](#)

له هاديا مرشدا. يا ايها الذين امنوا اتقوا الله حق تقاته. ولا تموتن الا وانتم يا ايها الناس اتقوا ربكم الذي خلقكم من نفس واحدة وخلق منها زوجها وبثها منهما رجالا كثيرا ونساء واتقوا الله الذي تساءلون به والارحام - [00:01:08](#)

ان الله كان عليكم رقيبا. يا ايها الذين امنوا اتقوا الله. اتقوا الله وقولوا قولا سجيذا يصلح لكم اعمالكم. ويغفر لكم ذنوبكم. ومن يطع الله ورسوله فقد فاز ومن يطع الله ورسوله فقد فاز فوزا عظيما. ومن يطع الله ورسوله فقد فاز - [00:01:38](#)

فوزا عظيما. ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين وعلى ذرية وال بيته انك حميد مجيد. اللهم صل وسلم وزد وبارك على حبيب قلوبنا - [00:02:08](#)

وطبيب قلوبنا وشفيعنا يوم العرض عليك محمد صلى الله عليه وسلم. في الاولين والآخرين وفي كل وقت وحين اما بعد اخواني واحبابي في الله لو رحت الساعة عشرة صباحا في اي مدرسة من المدارس هتلاقى المدرسين كلهم في الفصول والطلبة كلهم في الفصول - [00:02:28](#)

ومدير المدرسة بيلف ويبدور. لو دخلت الساعة حذاشر الصبح اي مصنع من المصانع. هتلاقى العمال كلهم على الاجهزة بتاعتهم. لو دخلت الساعة اتناشر في اي شركة من الشركات هتلاقى الدنيا على قدم وساق وشغالة لو دخلت في اي محكمة في اي عيادة دكتور في وقت العمل هتلاقى - [00:02:48](#)

الدنيا كلها جد والدنيا كلها بتشتغل وتعمل. لو دخلت المسجد ساعة صلاة الفجر هتلاقى كم واحد صاحي وكم واحد نايم. لو دخلت المسجد ساعة صلاة الجمعة هتلاقى كم واحد في المسجد وكم شاب قاعد في بيته مستني يسمع الاقامة عشان ييجي يصلي. لو دخلت ساعة صلاة الجماعة - [00:03:08](#)

كم واحد مركز مع ربنا وكم واحد دماغه في الشرق وفي الغرب لو دخلت في درس فقه او عقيدة او درس دين هتلاقى كم واحد مشغول بدين وكم واحد مشغول عن الدين بالدنيا؟ لمازا عملنا الدنيا بقمة الجدية؟ وتعاملنا مع الدين هكذا. على فكرة زي ما هتعامل الدين زي ما - [00:03:28](#)

ربنا هيعاملك زي ما هتعامل ربنا زي ما ربنا هيعاملنا. انت اللي بتحدد ربنا يعاملك ازايا! تخيلوا اخواني في الله لو كان جواز البنات مش حسب شهادتها. ولا حسب فلوس ابوها. ولا حسب اسم عيلتها. ولا حسب جمالها. لو كان جواز البنات على حسب قيامها لليل -

[00:03:48](#)

درجة العريس اللي هي عايزاه على درجة ما هي قوامها قد ايه. كان ساعتها كل واحدة كل واحدة هتجتهد في قيام الليل قد ايه. على قد ما هي عايزة تتجوز - [00:04:08](#)

لو كان لو كان شغل الشباب ورزق الشباب على حسب صلاة الجماعة. كان صلاة الجماعة دي فيها شب من الشباب سابها. تخيلوا بقى يا

اخواني ان فعلا انت زوجتك في الجنة على حسب قيام الليل. انت زوجك في الجنة على حسب عبادتك لربنا. انت عطاء ربنا لك دنيا
واخرة - [00:04:18](#)

على حسب معاملتك لله سبحانه وتعالى. بنعامل ربنا ازاى؟ بنعامل ربنا ازاى؟ قال تعالى ام حسب ام حسب اوعى تحسبها غلط فيه
امور لا تحتمل انك انت تحسبها غلط. الامور دي ربنا جابها في القرآن في ايات اولها ام حسب ولا تحسبن ام - [00:04:38](#)
الذين اجترحوا السيئات اللي نهشوا في المعاصي والشهوات. اللي نهشوا في المعاصي اول ما يبقى لوحده في السر. ينقلب انسان
تاني بيخلع القناع بتاع الاخلاق اللي عنده يبقى بني ادم تاني. ام حسب الذين اجترحوا السيئات ان نجعلهم كالذين امنوا وعملوا
الصالحات - [00:04:58](#)

محياهم ومماتهم. سامع ربنا بيقول ايه؟ الاية دي سموها مبكات العابدين. كان الصحابة والسلف رضوان الله عليهم يقعدوا وطول
الليل بيكوا من الاية دي. سواء محياهم ومماتهم. يعني ايه سواء محياهم ومماتهم؟ يعني موتك نسخة من حياتك - [00:05:18](#)
يعني حياتك دي الميكروفون وبعد المدة التطبيق. يعني ايه يعني اللي انت هتعمله مع ربنا في حياتك هو اللي ربنا هيعمله معك في
قبرك. هو اللي ربنا هيعمله معك يوم القيامة. هو اللي ربنا - [00:05:38](#)
يعملوا معك في الاخرة سواء محياهم ومماتهم. شف ربنا عايز يعمل معك ايه بعد الموت. شف ربنا عايز يعاملك ازاى في القبر وفي
القيامة وفي اللي انت هتعمله مع ربنا في الدنيا هو اللي ربنا هيعمله معك في الاخرة. ولا حرج في فضل الله ورحمة الله - [00:05:54](#)
ان محياهم ومماتهم. الانسان المذبذب في الدنيا. اللي على سطر وسطر في الطاعة وفي الصلاة. على الصراط برضه هيبقى مذبذب.
على الصراط برضه هيبقى على سطح الانسان التايه في الدنيا. الانسان التايه. المشتت برضه في الاخرة بيبقى تايه ومشتت. لدرجة
ان حتى لو من اهل النار - [00:06:14](#)

فاهدوهم الى صلاة الجحيم. هو مش عارف حتى الطريق لجهنم والعياذ بالله. فاهدوهم الى صراط الجحيم. الانسان اللي منطلق الى
الله في الدنيا زي ما بتعامل ربنا زي ما ربنا هيعاملك. سواء محياهم ومماتهم. اللي انت بتعمله في الدنيا هو اللي هيتعامل معك على
الميزان. هو اللي هيتعامل معك في العرض على الله - [00:06:34](#)
هو اللي هيتعامل معك على الصراط. هو اللي هيتعامل معك في البعس والحشر والقنطرة. هو اللي هيتعامل معك في اول ليلة في
القبر. شف انت عايز ربنا يعاملك ازاى وعمله زي ما انت عايز تتعامل. قوانين يا اخواني في الله. سواء محياهم ومماتهم. لما سيدنا
محمد عليه الصلاة والسلام طلع في السماء - [00:06:54](#)

السابعة ولقى البيت المعمور. الملائكة ما فيش ملك بيروح هناك غير يوم واحد. التأشيرة للبيت المعمور مش زي الكعبة في الارض.
التأشيرة المعمور مرة في العمر مرة الملك بيدخل يطوف يوم ويخرج ولا يعود اليه مرة اخرى الا سيدنا ابراهيم. كان قاعد بيعبد -
[00:07:14](#)

ربنا هناك وسند ظهره على البيت المعمور. ليه؟ لانه بنى لله بيت في الدنيا. لانه هو اللي بنى الكعبة. جزاء من جنس العمل. اللي انت
هو اللي هيتعامل معك. ليه سيدنا ابراهيم اول من يكسى يوم القيامة؟ لانهم جردوه من ثيابه وهم يلقوه في النار في ذات الله. فاول
من - [00:07:34](#)

يوم القيامة عشان هو ضحى من اجل الله سبحانه وتعالى. كل حاجة لما سعيد ابن الجبير الحجاج ابن يوسف الثقفي قبض عليه.
فالحجاج بيقول له اختر لنفسك قتلى. شف بقى تحب اقتلك ازاى. سعيد ابن سعيد ابن جبير قال له بل اختر لنفسك انت. انت بتختار
- [00:07:54](#)

مش لي فانك لا تقتلني قتلا الا قتلك الله مثلها في نار جهنم. انت بتختار لنفسك وانت فكرك ان ربنا ده تلف ودين. ده اللي انت بتعمله
مع ربنا في الدنيا هو اللي هيتعامل معك. بالزبط نسخة في الاخرة سواء محياهم ومماتهم. لما - [00:08:14](#)
سيدنا سليمان ضحى بالريح. ضحى بالخيول. طفق مسح وذبح الخيل اللي عطلته عن ذكر الله. ربنا ادى له الريح. اللي اسرع منها
فسخها له الريح فكما تعامل الله يعاملك الله سبحانه وتعالى. ام حسب الذين اجترحوا السيئات ان نجعلهم كالذين امنوا وعملوا

سواء محياهم ومماتهم سوى ده سوى ده. فشوف انت عايز ربنا يعاملك ازاى. وعامل الله كما تريد ان يعاملك الله سبحانه وتعالى من الايات اللي لازم توقف كل واحد منا يا اخواني في الله لو جنبنا واحد كافر ولسه داخل الاسلام حالا اهو واديننا له المصحف وقلنا له

اقرا المصحف - 00:08:54

فبدأ يقرأ من الفاتحة وبعد كده البقرة اول اية هيقرأها عن الجنة هي اية ايه؟ اول اية هي الاية رقم خمسة عايشين في سورة البقرة. دي اول اية في القرآن عن جنة النعيم. قال تعالى وبشر الذين امنوا وعملوا الصالحات. بشر. بشر دي انك لما - 00:09:17
اسمع عن الجنة بشرتك تتغير. لو تخيل خبطت على واحد الساعة اتنين بالليل. فيه ايه؟ قلت له ده ده يعني ده فيه واحد هيشترى منك بضاعة بعشرين الف جنيه من المحل بتاعك ولا التجارة بتاعتك. يا راجل الف شكر ده انا كنت في عز النوم بس يا عم ربنا -

00:09:37

وينزل معك. طب لو خبطت على واحد الساعة اتنين الفجر! ايه فيه ايه! فيه خمسين الف واحد اسلموا في فرنسا! اه والله! يعني هو ده يا عم ما كتش ينفع تستنى للصبح عشان تقول لي الخبر ده. ما كانش ينفع. وبشر الذين امنوا. بشر. المفروض انت لما تسمع عن الجنة تفرح. لما تعرف - 00:09:57

انك ماشي في طريق اخره الجنة تفرح. انت مشاعرك بتتغير لما تسمع عن الجنة. ولا احنا مشاعرنا كلها مع الدنيا بس. ما هياش مع الجنة. لما يعني رئيس من رؤساء امريكا مسك الحكم فعملوا حوار مع والدته في اليوم اللي مسك فيه الحكم ونجح فيه في الانتخابات. فيقولوا له هتتمني ايه - 00:10:17

قالت لهم اتمنى الموت. فقالوا لها تتمني الموت ابنك النهاردة بقى بيحكم العالم. وانت بتقولي اتمنى الموت. قالت لهم لان ما فيش فرحة في الحياة. اكبر الفرحة اللي انا فيها الوقتي. فخلاص ما عادش فيه حاجة بعد كده اقدر استناها من الدنيا. فانا اتمنى الموت. تخيلوا هو اكبر فرحة في الحياة - 00:10:37

ان انت ابنك قاعد على كرسي زایل يا هو هيسيب الكرسي يا الكرسي هيسيبه! فيه ناس كده يا اخوانا هي مشاعرنا مع الدنيا زي ما ربنا بيقول يسأم الانسان من دعاء الخير. يعني ايه دعاء الخير؟ يعني عبادة الخير. يعني ايه عبادة الخير؟ يعني عبادة الجنه. يعني مستعد يصلي ويصوم عشان الجنه - 00:10:57

مستعد يصلي ويصوم للمال. زي احد اخوانا في الصين بيتاجر مع تجار من الصين هناك. فواحد فيقول له ربنا التاجر الصيني بيقول له ربنا مين؟ انا ربنا بتاعي هو الدولار. الدولار هو اللي بينفعني ويضرني. الدولار هو اللي بيرزقني. وهو اللي بيرفعني وينزلني والعياذ - 00:11:17

فيه ناس كده. فيه ناس كده دعاء بيعبد الدنيا. بيعبد الجنه. واحد آآ جنبنا كده واحد آآ يعني غفير عمارة. فواحد بيكلمه يعني واحد اخوانا معدي. فسمع الحوار اللي بينهم. فواحد بيقول للتاني انا خدامك. قال له لا. كلنا خدامين الجنه. كلنا خدامين - 00:11:37
ولا كلنا خدامين دين ربنا سبحانه وتعالى؟ لما خدمنا الجنيد زلنا للجنه. ولما خدمنا دين ربنا زمان ربنا رفعنا فوق الدنيا كلها قضية وبشر الذين امنوا وعملوا الصالحات. انت فعلا فرحان بالجنة! انت فعلا مشتاق للجنة! انت فعلا لما بتسمع عن الجنة بتشتاق انك انت تمشي في طريقها - 00:11:57

ان لهم جنات تجري من تحتها الانهار. كل ما اشوف بقى الراجل الكافر اللي دخل في الاسلام ده اول تعريف هيسمعه عن الجنة ايه شف اول كلمة هيقرأها عن الجنة في القرآن ايه؟ كلما رزقوا منها من ثمرة رزقا قالوا هذا الذي - 00:12:17
فتنة من قبل. هو ده اللي احنا كنا بناخده في الدنيا. الله! يعني ايه؟ يعني ايه؟ بعض المفسرين قال لك يعني لما يبجي تنعم في الجنة يقول سبحانه الله! ده نفس اللي كنا بنعمله مع ربنا في الدنيا هو اللي ربنا عمله معنا في الجنة. لما يبجي - 00:12:37
يبص للطير في السما يشتهي. يخر مشويا قدامه. ولا يحتاج حاجة. الملايكة تعملها له في سانية. يفتكر لما كان ربنا دي في الدنيا يلبي نداء ربنا فورا للصلاة. يفتكر لما كان الفجر يدن يلبي نداء الفجر فورا. يفتكر سرعته في - 00:12:57

امر الله يقول نفس سرعتي في تلبية نداء ربنا هو اللي الملايكة بتعمله معي دلوقتي في الجنة بالظبط نسخة الاصل اللي هيطلع من صحيفتك لربنا هو اللي هينزل من ربنا لك بعد كده في شكل رزقك وعافيتك ودنيتك. اللي طلع من ربنا لك - [00:13:17](#)

في رمضان هو اللي هينزل من ربنا لك طول السنة. هو اللي هينزل من ربنا لك. البنت اللي طالع لربنا في صحيفتها تبرج اختلاط وحرام ومكياج هينزل للصحيفة ايه بقى؟ هينزل ايه؟ هينزل هينزل جواز ولا هينزل عنوسة؟ هينزل - [00:13:37](#)

ولا هينزل سرطان سدي. هينزل ايه! الشاب اللي طالع لربنا منه مواقع فاسدة واطلاق بصر في الحرام ومعاصي سر وشرب مخدرات اللي هينزل لربنا منه ايه؟ اللي هيطلع لربنا منك على حسبه اللي هينزل من ربنا لك. ده هذا الذي رزقنا - [00:13:57](#)

من قبل اللي احنا عملناه مع ربنا في الدنيا هو اللي بيتعامل معنا دلوقتي. احنا كنا بنتفنن في في الدعوة واصناف الدعوة النهاردة خدنا جنة زواتها افنان. كنا مشغولين بالدين. مشغولين بالطاعة. نحضر درس نحفظ قرآن نصل رحم نبر جار. النهاردة في - [00:14:17](#)

شغل فاكهون مشغولين بالنعيم. اللي احنا عملناه مع ربنا. البلد اللي طالع لربنا منها بنوك ربوية هينزل ايه؟ يا اخواننا عايز ربنا يعاملك بكرمه. عامل ربنا صح. وشف ربنا هيعاملك اجمل معاملة ازاى. وهيعاملك - [00:14:37](#)

اروع معاملة ازاى؟ هذا الذي رزقنا من قبل. يعني ايه هذا الذي رزقنا من قبل؟ ابن عباس بيقول يعني مسلا يدخل الجنة فيقول انا عايز تفاح فيجي له التفاح فيبص كده ايه ده! هو ده ما له باللي كان في الدنيا اسمه تفاح. شكل مختلف يبجي يدوق تتفتق السمرة عن سبعين طعن - [00:14:57](#)

السمرة الواحدة فيها سبعين طعن. يبجي يقول طب كمان تفاح يلاقي سبعين طعم تانيين. فيقول ايه ده؟ هو ده اللي كان اسمه في الدنيا تفاح هذا الذي رزقنا من قبل. يعني احنا ضيعنا عمرنا في الدنيا ورا الدنيا وورا متع الدنيا. وفي الاخر اكتشفنا ان الدنيا دي ولا طلع - [00:15:17](#)

اي قيمة. ده اللي احنا كنا بنضيع عمرنا عشانه في الدنيا. يا ريت نستخدمنا عمرنا عشان طلب الجنة. وفي الجنة كان كل حاجة صح واتوا به متشابهة. قال لك يعني ايه اتوا به متشابهة؟ قال لك يعني انت مسلا يعني مسلا لقيت بطيخة حلوة كده. اشتريتها لقيتها زي الشهد. قمت - [00:15:37](#)

نازل للراجل تاني قلت له هات لي بقى خمس بطيخات. ده البطيخ السنة دي ما حصلش. تيجي تفتح الاولانية تلاقيها مسخة. تيجي تفتح الثانية تلاقيها بيضا هو فيه ايه الدنيا كده. الدنيا لو صابت مرة تخيب مية مرة. انما الجنة اتوا به متشابهة. كله جميل. كله في اروع ما يكون. كله في اجمل ما يكون - [00:15:57](#)

ما فيش حاجة اسمها سمرة حلوة وسمرة وحشة. ده اتوا به متشابهة. اللي انت هتعمله مع ربنا في الدنيا شبهه بالزبط انت هتاخده من ربنا في الجنة. على حسب مقام ربنا عندك. على حسب مقامك. عند الله في الجنة. نسخة اتوا به متشابهة - [00:16:17](#)

ده شبه ده. انت بتعمل مع ربنا ايه بقى؟ المجهود اللي انت بتعمله مع ربنا. في عبادة ربنا. لو انت طالب في السانوية العامة تجيب كم في المية. تجيب - [00:16:37](#)

كلية ايه؟ لو انت شغال به عند حد في الشركة بتاعته يدريك كم في الشهر؟ واتوا به متشابهة. ده شبه ده. زي ما قلنا محياهم ومماتهم. ده سوى ده اللي انت عملته في الحياة هو اللي انت هتاخده بعد الموت. اهو الوقتي كده واتوا به - [00:16:47](#)

متشابهة. اللي انت عملته مع ربنا هتاخذ شبهه في الجنة. ولا حرج في فضل الله. ولكن دي قوانين يا اخواني في دي قواعد احنا بنعامل ربنا ازاى؟ وربنا مقامه في قلبك ايه؟ ربنا عندك في حياتك ايه؟ ربنا - [00:17:07](#)

اولوية حياتك ولا لا؟ لما ربنا بيناديك بتلبي نداء ربنا وتسبب الدنيا ولا كما قال تعالى ينبأ الانسان يومئذ بما قدم واخر. يعني ايه بما قدم واخر؟ قال لك بما قدم ايه اللي كان مقدم عندك في حياتك؟ ايه اللي كان له الاولوية عندك في حياتك - [00:17:27](#)

ايه الحاجة اللي كانت لو راحت قلبك يتفطر. ودموعك تنزل. ايه هي؟ لو كان الفريق اللي بتشجعه خسر في المباراة ولا ولا لو كان اللاعب اللي انت بتحبه ما خدش الاحسن هداك. ايه اللي انت كان بالنسبة لك هو الاولوية في حياتك. بما قدم واخر - [00:17:47](#)

اخر بقى ايه اللي كان مؤخر عندك؟ ايه اللي كان جه جه ما جاش ما جاش. يعني الدنيا مش فارقة اوي. ايه اولوياتك؟ انت هتحاسب

يوم القيامة ترتيب اولوياتك. هتاسب يوم القيامة على مشاعرك. على انت كنت بتعامل ربنا بقلبك ازاي؟ سواء محياهم ومماتهم -

[00:18:07](#)

واتوا به متشابها. الاية الثالثة اية خطيرة جدا يا جماعة. اية بتفوقنا. قال تعالى فلا اقسم بالشفق والليل وما وسق. والقمر اذا اتسق.

اسمع لتركن طبقا عن طبق. لتركن لتركن يعني ايه؟ يعني ايه لتركن طبقا عن طبق؟ يعني هتعدوا مرحلة مرحلة من مراحل

الاخرة. يعني القبر دخله ما تفكر - [00:18:27](#)

الميزان هتتوزن هتتوزن. النهاردة على الله هتتعرض هتتعرض. مش معنى انك ما بتفكرش في يوم القيامة انك مش هتعيشه. مش

معنى انك ما بتفكرش في كل ليلة في القبر وتقول انا مزاجي حلو. ما باخافش من الموت وما عنديش الحاجات اللي عند الناس دي.

اللي يقعدوا قلقانين من الموت والكلام ده. وفاكر ان ده حاجة - [00:18:57](#)

جميلة جدا. مش معنى كده انك انت مش هتلاقي نفسك في اول ليلة في القبر. مش معنى انك ما بتفكرش في العرض على الله. انك

مش هتلاقي نفسك بين ايديه بتعرض. مش معنى انك ما - [00:19:17](#)

في الاخرة انك مش هتلاقي نفسك جواها. ده ده يحصل يحصل. ده ده امر واقع. شئت ام ابيت جاي الموضوع مش قضية انك زي

الطالب اللي ما بيفكرش في الامتحان. هل معنى كده ان هو مش هيمتحن؟ هيمتحن امتحن. طب انا ما بافكرش، طب ما انت -

[00:19:27](#)

طب وايه يعني؟ طب ما انت تترفد. طب واه طب ما انت مستقبلك هضيع. ما هو خلاص هي القصة كلها بالتوايع بتاعتها. فمش

تركن طبقا عن طبق. يعني ايه لا تركن؟ يعني انت عامل زي اللي راكب قطر كده. هو اللي راكب قطر القاهرة يقول لك لا لا لا لا انا

مش عايز اعدى من على طنطا - [00:19:47](#)

يا سلام! هتعدى هتعدى! لا مش عايز اعدى من على بنها. هتعدى هتعدى. لا مش عايزة هتعدى هتعدى. هو اللي ركب القطر ده هيعدي

في يعني مسار اجباري. مسار اجباري. انت هتعدى على القبر شئت ام ابيت. هتعدى على - [00:20:07](#)

يوم القيامة شئت ام ابيت. هتعدى على الصراط سواء بتحبه او ما بتحبوش. هتعدى على الميزان. هتعدى على تطاير الصحف لا

تركن انت راكب القطر بتاع الدار الاخرة. فانت هتعدى على المحطات في مسار اجباري شتى ما بين فتفكر من التفكير فيها -

[00:20:27](#)

لن يعصيك من انك هتعدى عليها. وانك هتتسأل فيها. لتركن طبقا عن طبق. يعني ايه طبقا عن طبق؟ يعني مرحلة بعد مرحلة من

مراحل الدار الاخرة يعني البعس طبق. الحشر طبق. الميزان طبق. الصراط طبق. قال لك طب وهو بعض المفسرين قال لك وربنا سمى

- [00:20:47](#)

ليوم القيامة طبق ليه؟ قال لك كلمة خطيرة جدا قالها احد المفسرين. قال لك لانها نسخة طبق الاصل مما في الدنيا. شف بقى الكلمة

الخطيرة دي نسخة طبق الاصل. اللي انت عملته مع ربنا في الدنيا نسخة طبق الاصل هيتعمل معك في الارض - [00:21:07](#)

كما قال النبي صلى الله عليه وسلم ان الميت اذا وضع في قبره فانه يسمع قرع نعالهم اذا ولوا مدبرين. الميت اول ما حط في القبر

انت فكرك ان هو ميت بقى سامع حتى صوت رجلين اهله وهم واقفين برة القبر. سامع صوتهم يا عم سامع صوتهم فين يا عم لو

فتحن القبر تاني - [00:21:27](#)

هتلاقي جسة ممددة. هو معنى انك ما انتاش شايف ان مش موجود؟ هو الوقت لو انا شغلت ريموت العربية قام فاتح العربية ونورت

اتفتح هو فيه ايه؟ هو فيه حاجة طلعت من الريموت وفتحت! ايوه بالتأكيد طبعا او مال اتفتحت ازاي؟ بس هي فين؟ مش معنى

انك ما شفتهاش انها مش موجودة. انا - [00:21:47](#)

لو شغلت الراديو وقام جاي الحصري في اذاعة القرآن الكريم. هو فين الحصري ده؟ هو فين الكلام؟ هو موجود الصوت. بس مش

معنى ان ودنك مش عارفة تجيبه ان هو مش - [00:22:07](#)

موجود. فيه جهاز تاني جابه. فيه حاجة فانت ودنك مش نهاية الحياة. وعينيك مش نهاية الحياة. مش كل حاجة ما انتاش شايفها

مش موجودة ومش كل حاجة ما انتش سماحها ما هيش موجودة. فان الميت اذا وضع في قبره فانه يسمع قرع نعالهم. سامع حتى صوت - 00:22:17

وهما ماشيين وخلص بقى يا جماعة والعزا بالليل وما فيش آآ ولا عزاء للسيدات سامع سامع وقلبه بيتخلع وهو سامع فانه يسمع قرع نعالهم. اذا ولوا مدبرين. فان كان مؤمنا. اسمع بقى. فان كان مؤمنا كانت الصلاة عند رأسه - 00:22:37

الصلاة كده زي بودي جارد كده حارس وتيجي تقف عند راسه. وكان الصيام عن يمينه. لو بقى صام رمضان وبيصوم اتنين وخميس بقى او تلتاشر واربع وخمستاشر والست ايام من شوال مين صامهم ومين ما لحقش يلحق. الصيام ييجي يقف عن يمينه كده. وكانت الزكاة عن شماله. وتيجي - 00:22:57

ايه الزكاة وايه البودي جاردات دول ؟ العبادات بتاعته اللي عمله مع ربنا جاي يحرسه النهاردة في قبره. وكانت الزكاة عن شماله وكان فعل الخيرات عند رجله. وصل رحم بقى. بر جار. طلع صدقة. ادى كلمة في مسجد. اي حاجة بقى حضر درس - 00:23:17
وكان فعل الخيرات عند رجله. فيؤتى من قبل رأسه. ييجي بقى من عند راسه ملايكة العذاب تيجي. لان الراجل ده ما كانش ملاك الراجل ده عمل عبادات بس الراجل ده كان بيعمل معاصي برضه. ما فيش حد فينا ما بيخطئش فكذا فيؤتى من عند رأسه. ييجي بقى الايه ؟ ملايكة - 00:23:37

العذاب عشان تعاقبه على زنوبه. فتقول الصلاة ما قبلي مدخل. الصلاة تقف. ما حدش دخل من ناحيتي. الله اكبر. الله اكبر ما قبلي مدخل. ما فيش طبقا عن طبق. طبق الاصل. زي ما كنت بتصلي. وكنت بتتعب عشان تصلي النص ساعة اللي قبل الفجر - 00:23:57
وكنت بتصلي صلاة الجماعة واول ما الاذان يدن الصلاة واقفة لك النهاردة ما فيش ملك من ملايكة العذاب هيعدي من وحياتي ما قبلي مدخل. فيؤتى من عن يمينه. ملايكة العذاب تلف له من على اليمين. فيقول الصيام ما قبلي مدخل - 00:24:17
ما حدش معدي من ناحيتي. انا هنا النهاردة حصانة ربانية له. فيؤتى من عن شماله. ملايكة العذاب تلف له عشان تعزبه على زنوبه. فتقول اولوا الزكاة ما قبلي مدخل. ما حدش معدي من ناحيتي. فيؤتى من عند رجله ملايكة العذاب تلف له فيقول فعل الخيرات -

00:24:37

ما قبلي مدخل ؟ حدش هيعدي من هنا فينجو من عذاب القبر بسبب ايه ؟ بسبب العبادات. اهي دي لتربن طبقا عن طبق. طبق نسخة تعبت مع ربنا في الدنيا ربنا هيرحك بعد كده في كل حاجة. في الوقت اللي كل الناس بتتعب فيه. ربنا يريحك في كل حاجة كما قال تعالى - 00:24:58

كلا اذا بلغت التراقي وقيل من راق. الملايكة فوق بتقول مين مين اللي هيرقى بروحه لربنا؟ ملايكة رحمة ولا ملايكة عذاب ؟ والناس في الدنيا قولوا جروح انت دكتور بسرعة او هاتوا حد يرقيه بيموت. وقيل من راق وظن انه الفراق الى ربه وظن انه الفراق -

00:25:18

والتفت الساق بالساق. التفت الساق بالساق. لما الواحد رجله تلف حوالين بعضها لا يعرف يطلع قدام ولا يرجع ورا. الى ربك يومئذ المساق. شف كلمة الساق وكلمة المساق. الساقط سمت ساق. لان هي اللي سيقاك. انت اللي سايق الوقتي. انت عايز تروح الجامع رح -

00:25:38

عايز تروح القهوة رح عايز تضرب ضربة زرار على الكيبورد بتاعتك على النت ولا على الموبايل تدخل على موقع اسلامي ادخل. عايز تضرب نفس الضربة تدخلها على باب جهنم في موقع فاسد ادخل. انت اللي سايق. انما التفت الساق هو اللي سايق. الى ربك يومئذ الايه ؟ المساق. فجأة - 00:25:58

انزل من العربية بتاعتك في ايه ؟ حملة تفتيش. تنزل من العربية اركب في العربية دي. في ايه ؟ من النهاردة انت متساء بك. خلاص انت ما عدتش سايق. من النهاردة انت سيصاب - 00:26:18

في هيصاب بي فين ؟ يا اما سيق الذين كفروا الى جهنم يا اما سيق الذين اتقوا ربهم الى الجنة. انت هيتساء بك على حسب ما انت كنت سايق انت اللي بتحدد. انما انت الوقتي سايق وفي لحظة هيتساء بك يا الجنة النار. على حسب انت كنت سايق على فين -

انت محاسب انت مكلف انت على يمينك وشمالك دلوقتي ملكين. بيكتبوا عليك كل حاجة. ما هياش مسرحية. ربنا مش بيكتب عليك كل حاجة عشان في الاخر ما انتش هتتحاسب على حاجة الا ان يشاء الله. بعفوه ومنه وكرمه ونسأل الله ان يعفو عنا. انما ما دام الملكين بيكتبوا كل حاجة يبقى - 00:26:48

انت لازم تاخذ بالك انك انت هتتحاسب على كل حاجة. دلوقتي على الصراط المستقيم في الدنيا. سريع هتبقى على الصراط في الاخرة سريع. انت الوقتي ماشي وراء نور العلماء ونور القرآن والسنة هيبقى الصراط في الاخرة منور. انت بقى واحد بتطلع وتنزل وسطر ووسطر في الصلاة هتبقى واقف على - 00:27:08

الصراط في الاخرة قاعد تقوم وتقع وتقوم لانك في الدنيا كنت بتقوم وتقع. في علاقتك بربنا سبحانه وتعالى. فنفس اللي انت عملته في الدنيا على الصراط مستقيم. نسخة طبق الاصل. من اللي هيتعامل معك على الصراط اللي على شفير جهنم في الاخرة -

00:27:28

لتركبن الطبقة مش طبقا بعد طبق طبقا عن. طبقا عن طبق دي ورا بعضه. ما فيش راحة. ما فيش حاجة اسمها ما ريح لي شوية اما نام شوية ما فيش الكلام ده. ما فيش حاجة اسمها ان الحشر قعدت لك فيه خمستاشر الف سنة هو وتطاير الصور. اريح بقى قبل الميزان اخذ لي نصاية ما فيش نصاية - 00:27:45

القيامة ما فيش تعسيلة يوم القيامة. عشان كده ارض المحشر اتسمت الساهرة. فاذا هم بالساهرة ليه الساهرة؟ لان سهر خمسين الف سنة. انت النهاردة ما تقدرش تقعد يوم من غير ما تنام. ما تقدرش. ولو حاولت ما تقدرش. صعب جدا. انما انت يوم القيامة تمتناشر مليون - 00:28:05

قم بلا نوم. بلا نوم. تمتناشر مليون ومتين وخمسين الف يوم. دي مدة يوم القيامة بالايام. مدة الخمسين الف سنة بالايام بلا نوم. بل العلماء قالوا عن جهنم ان اسمها الساهرة كمان. لانها خلود بلا نوم والعياذ بالله. يعني يعني حتى ما فيش نوم في - 00:28:25 جهنم. فارض المحشر لا يوجد فيها نوم طبقا عن طبق خلصت البعس ياللا على الحشر. طب ارتاح ما فيش. خلصت الحشر ياللا على تطاير طب بس القط يلا خلصت تطاير الصحف يلا على الميزان. طب يلا لا عوج له. يومئذ يتبعون - 00:28:45

الداعي لا عوج له. ما فيش اعوجاج. كله بيسمع الكلام. في الدنيا كانوا لا يتبعون الداعي الدنيا كانت الدعاء تطلع عينيهم. ويقولوا للناس اتقوا الله واهل الدين واهل العلم يقولوا للناس يا اخوانا عاملوا ربنا صح. ما يتبعوش الداعي - 00:29:05

النهاردة بقى يومئذ يتبعون الداعي. النهاردة ما فيش حد هيقدر يقول لأ. لا عوج له. حدش هيقدر يقف ولا يتباطأ ولا يقدم رجله ويأخر رجل ولا يحاول يريح في نفيس الكلام ده. كله ماشي على الصراط طبقا عن طبق قضية خطيرة اوي - 00:29:25

ان ربنا سبحانه وتعالى يقول جزاء وفاقا. جزاء وفاقا. يعني اللي هيتعامل معك في الاخرة وفق اللي انت عملته في الدنيا. وفق التقارير اللي الملايكة طلعتها لربنا عنك وربنا اعلم بك من اي حد وافقد انت هتتعامل. عارفين في زراعة الاعضاء لما يكون في زراعة كلى ولا كبد فيقولوا لازم نعمل - 00:29:46

افق اعضاء يعني ايه توافق اعضاء؟ يعني نتأكد ان الكبد اللي هيتزرع نسخة طبق الاصل من الجسم اللي هيتزرع فيه يقول التوافق دم نعمل توافق فصيلة. نتأكد ان كيس الدم اللي هيتنقل نسخة طبق الاصل من الفصيلة بتاعة المريض اللي هياخد كيس الدم. يبقى -

00:30:06

يعني ايه جزاء وفاقا؟ يعني اللي انت هيتعامل معك في الاخرة نسخة طبق الاصل من اللي انت عملته مع ربنا في الدنيا. انت عايز ايه ؟ عايز ربنا يعاملك ازاي ؟ على حسب ما انت عشان كده وما توفيقه الا بالله يعني ايه التوفيق؟ التوفيق ان انت اللي انت بتعمله -

00:30:26

يبقى نسخة طبق الاصل من مراد ربنا منك. انت موفق يعني ايه موفق؟ يعني اللي انت بتعمله ده هو بالزبط اللي ربنا رايده منك سبحانه وتعالى هو ده معنى التوفيق. انت ماشي صح. انت ماشي على مراد ربك. انت ماشي في طريق الفردوس الاعلى مية مية.

كمل - 00:30:46

هو ده معنى كلمة التوفيق. ان اللي انت بتعمله مع ربنا هو اللي ربنا يعمله معك. وربنا فضله عظيم ورحمته واسعة. وكرمه عظيم يا اخوانا دي سنة ولن تجد لسنة الله تبديلا. ولن تجد لسنة الله تحويلا. دي سنة. ده قانون. كيف عاملت الله؟ كما - 00:31:06
تحب ان يعاملك الله عامل الله. زي ما ربنا بيقول واذا سألك عبادي عني فاني قريب. انا قريب. جدا. انت عشان تروح لمسؤول عايز تركب كم وصلة اه ومش بس قريب بقى. ده قريب اجيب. ده انت ممكن بعد ما توصل لباب المسؤول وتقف على المكتب وتروح للسكربتيرة وتقول لها انا مواطن - 00:31:26

مواطن مين يا عم انت انت صاحي النهاردة الصبح فايق وما عندكش حاجة تعملها يا عم رح شف اكل شف اكل عيشك يا عم. انت فكرك انه هيقابلك ولو قابلك فكرك ان هو - 00:31:46
بجد هيديك شقة في مساكن ولا هيعينك في وزيفة حكومية قربنا قريب وكمان اجيب. يعني لو جيت لي قريب طب وكمان لو جيت هستجيب لطلبك. اجيب دعوة الداعي اذا دعان دعوة. مش دعاء دعوة ولا دعوة واحدة لك هاضيعها لك - 00:31:56
ولا مرة رفعة ايد هاضيعها لك. بس استنى بس على شرط. ايه يا رب فليستجيبوا لي. هو ده الشرط؟ هو ده الشرط العلماء قالوا ده شرط اجابة الدعاء فليستجيبوا. انت عايز اجيب استجيب - 00:32:16

ما تبقاش بتقول انا بارفع ايدي وربنا ما بيستجيش ليه؟ وهو لما ربنا بيناديك ساعة الصلاة انت بتستجيب؟ لا. ولما ربنا بيناديك ساعة الفجر بتستجيب لا ولما ربنا بيناديك على ان فيه حاجة حرام ابعد عنها بتستجيب لا هو بالزبط كده هتيجي ترفع ايدك هتلاقي نفس اللي انت - 00:32:33

انت بتعمله مع ربنا؟ عايز ربنا يستجيب استجيب. بس استجيبوا لربكم. على حسب سرعتك. في تلبية نداء ربنا لما تنادي على حسب سرعتك في تلبية نداء ربنا لما تعرف ان الموضوع ده حلال او حرام على حسب سرعة في اجابة الدعاء بتاعك لما ترفع ايدك - 00:32:53

هو قانون اجيب فليستجيبوا. اقول قولي هذا واستغفر الله لي الحمد لله وكفى. وصلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله اليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والاخرين وفي كل وقت وحين. اما بعد ليس بامان - 00:33:13

ليس بامانيكم ولا امانى اهل الكتاب. الموضوع مش بالاحلام. الموضوع مش بالمشاعر. الموضوع مش كده ايه؟ قبل ما اقول لك ايه اوعى تنسى الاربعة ايات اللي احنا قلناهم. تروح تكتبهم وتفتكرهم دايمًا. سواء محياهم - 00:33:39

مماهم لتركبن طبقا عن طبق واتوا به متشابهًا. جزاء وفاقًا. لازم تاخذ بالك من الكلام ده. لازم تبقى فاهم. ربنا بيعاملك ازاى؟ لازم تبقى فاهم مشاكلك سببها ايه؟ سببها ايه انت؟ يا راجل اي والله. يعني هو المشكلة عند ربنا؟ المشكلة عندك انت - 00:34:00
هي ملبخة ليه بسببك ليه؟ ما بتتعاملش مع ربنا صح. اتعامل مع ربنا صح. اقبل على ربنا صح. عامل ربنا صح وشوف ربنا يعمل معك ايه؟ اكرم الاكرمين واجود الاجودين ورب العالمين واغنى الاغنياء وملك الملوك سبحانه وتعالى وارحم الراحمين - 00:34:25

وخير الغافرين. انت اللي مش عارف تاخذ. انت اللي ما انتاش عارف. عارف الراجل الواد اللي ماشي في الشارع شاب كده حافي وبنطلونه مقطع مش مقطع الموضة اللي الشباب بيعملوها دلوقتي. لأ مقطع مقطع بجد مش مش لاقى وجعان والدنيا فواحد بيقول لواحد ايه ده يا عيني يشوف المنزر - 00:34:45

البرص اللي الشاب ده فيه هو يا عيني يا عيني يتيم! قال له يتيم مين يا عم! ده ابوه عايش. ابوه عايش! وسايه ماشي كده! يبقى يا عيني بقى ابو زيقل وفقير اوي قال له ده ابوه ملط ملياردير. ده ابوه مش الفلوس عنده ما لهاش عدد اصلا. قال له يا نهار ابيض! يبقى لازم ابوه بقى انسان - 00:35:05

قاسي وشديد وقال له دا بودا اطيب واحد واكرم واحد في الدنيا كلها. دا اللي بيروح له بيغرقه كرم. يقوم الراجل دا يعمل ايه؟ يقوم يميل على الشاب ده يقول له يا ابني طع ابوك. ما هو ما دام ابوك غني موجود وغني وكريم وطيب. يبقى - 00:35:25

عمره ما هيسيبك تمشي كده الا لو انت مزعله. طع ابوك واسمع كلام ابوك. هي دي القصة. ما يفعل الله بعذاب بكم هو ربنا هيعزبك ليه ؟ هو ربنا هيبنتليك ليه ؟ الا لو عندك مشكلة وده علاجها - [00:35:45](#)

الا لو في مشكلة المشكلة عندنا يا اخوانا المشكلة جزاء وفاقا هو ربنا بيعاملك وفق ما كما قال الله سبحانه وتعالى في الحديث القدسي يا عبادي شف الكلمة دي في ثلاث كلمات ربنا جاب لك القانون كله. يا عبادي انما هي اعمالكم. انما اقوى اداة قصر -

[00:36:04](#)

في اللغة انما هي اعمالكم. انا ما فيش بيني وبينك حاجة. انا ما فيش بيني وبينك نسب انا ما فيش بيني وبينك حاجة عشان اه انا اللي بيني وبينك عملك. انما هي اعمالكم. فمن وجد خيرا. لقيت الدنيا - [00:36:24](#)

ماشية حلوة والامور ماشية حلوة. وربنا فاتح عليك في الدين وفاتح عليك في الايمان. وفاتح عليك في حياتك فليحمد الله. مش تقول انا اشتغلت بقى لو عبتت وقمت وصم احمد ربنا. ربنا هو اللي منه الفضل. ومن وجد غير ذلك. لقيت الدنيا منيلة. ولقيت الاسعار

نار. ولقيت الحاجة اللي في - [00:36:43](#)

بعشرة جنيهه. ولقيت البمبي بقى كاروهات. ولقيت الجواز بقى مستحيل والزنا بقى سهل. ولقيت المعيشة بقت صعبة لقيت الراجل بينتحر ويرمي نفسه من البلكونه لانه مش قادر يأكل عياله. والست بترمي نفسها وتنتحر وراه. واللي بترمي نفسها قدام المترو. واللي

- [00:37:03](#)

خد سم عشان مش عارف يجيب لابنه دواء السرطان. واللي بينتحر لان اسهم البورصة بتاعته راحت. ولقيت الدنيا بايظة ولقيت

متفشية ولقيت المشاكل مالية الدنيا. ومن وجد غير ذلك فلا يلومن الا نفسه - [00:37:23](#)

ربنا مش مستقصد حد. شف احنا عملنا ايه كمجتمع مع الله؟ شف انت عملت ايه كعبد لله؟ ومن وجد غير ذلك فلا يلومن الا نفسه.

طب من وجد خيرا بقى ولقيت الدنيا يريد الله بكم اليسر. ولا يريد بكم العسر. هو ربنا يعقدها عليك ليه - [00:37:42](#)

ربنا يريد ان حياتك تبقى ميسرة. ان الجواز يبقى سهل. ان الزرية تبقى سهلة. ان تربية الاولاد تبقى سهلة. ان الجنيه ما يجيش بطلوع الروح في حاجة ان الارزاق تبقى سهلة. ان الشفاء يبقى سهل. ولا يريد بكم العسر. امال العسر اللي احنا عايشين فيه ليه؟ اسأل نفسك

بقى - [00:38:02](#)

لا يلومن الا نفسه. يا عبادي انما هي اعمالكم. يعني ايه؟ ليس بامانيكم. الموضوع مش امانى. الموضوع مش مشاعر. الموضوع انما هي اعمالكم الموضوع مش والله ده انا بحب ربنا اوي. ويا سلام لو ربنا يديني على قد نيتي. ربنا مش هيديك على قد نيتك. ليه؟ لان

ربنا جعل اللي بينك وبينه عملك. مش بس - [00:38:22](#)

هو ربنا قال القانون كده. انما هي اعمالكم مش انما هي نواياكم. ولا انما هي مشاعركم. ولا انما هي احلامكم في الدين. والله ده انا بحب الاسلام بحب الرسول انت بتعمل ايه؟ والله العزيز اصل انا كويس وقلبي هنا بقى انت بتعمل ايه؟ والله انت بتعمل ايه؟ حالك

في صلاة - [00:38:42](#)

الفجر ايه حالك في صلاة الجماعة ايه؟ لما بتسمع عن درس من دروس العلم في المسجد حالك معه ايه؟ بتيجي تعرف مراد ربنا ولا مش لازمنا؟ حالك ايه؟ حالك في تجارتك وشغلك مال حلال وحرام ايه؟ حالك مع ابوك ووالدتك ايه؟ بتشوح ولا بتوطي على الايد

تبوسها؟ حالك مع ارحامك ايه - [00:39:02](#)

مقاطعهم وبينكم قضايا السنين ولا بتكسر نفسك وتعامل ربنا فيهم وتوصل ما امر الله به ان يوصل. حالك ايه؟ حالك على الدنيا ايه؟ حالك مع قراءة القرآن وفتح المصحف ايه؟ فتحتته من بعد رمضان ولا من بعد رمضان؟ والمصحف مقفول ممكن يكون - [00:39:24](#)

لو فيه جورنال في البيت يبقى طار اكثر من المصحف بعد رمضان. حالك ايه؟ على حسب حالك مع الله. هتكون معاملة الله سبحانه وتعالى معك كما قال تعالى ولكل درجات ايه؟ ها مما عملوا. لكل الدرجات درجتك عند ربنا على حسب عملك. ودرجة - [00:39:44](#)

ربنا لك دنيا واخرة. خد بالك مش اخرة بس ودنيا ودنيا معاملة ربنا لك في رزقك. وفي امورك وفي استجابة الدعاء وفي كل تفريج كرباتك. وشفاء امراضك. ها معاملة ربنا لك لما بترفع ايدك وتدعيه - [00:40:04](#)

على حسب معاملتك لله سبحانه وتعالى فانظر كيف تتعامل مع الله. الموضوع عمل صالح. شف ايه العمل الصالح اللي انت هتعامل به ربنا مش لازم تعمل كل الاعمال الصالحة قرر الوقتي عمل صالح واحد. قرر عمل واحد. كل واحد منا يقرر عبادة واحدة بس كان مقصر فيها. ينوي ان هو دلوقتى خلاص هيصلحها. صلاة جماعة - [00:40:24](#)

صلاة فجر سنن رواتب آآ ورد قرآن يومي حفز قرآن حضور دروس صلة رحم قريب له كان بعيد عنه وبينهم مشاكل انوي عبادة واحدة دلوقتى بس. كل واحد وكل واحدة منا ينوي عبادة واحدة بس. يعبد ربنا بها. ويلزمها لحد السنة الجاية. لحد رمضان الجاي - [00:40:44](#)

يجي رمضان ينقله نقلة لفوق تانية بقى. لو انت كل سنة صلحت عبادة واحدة في حياتك انت بعد اربع خمس سنين هتبقى انسان تاني. اللهم اهدنا اللهم اهدنا وسددنا. اللهم انا نسألك الهدى والسداد. اللهم وفقنا وارشدنا. اللهم اتنا الحكمة. اللهم الهمننا رشدنا. واعذنا من - [00:41:04](#)

من شر انفسنا. اللهم اهدنا فيمن هديت وعافنا فيمن عافيت. وتولنا فيمن توليت. وبارك اللهم لنا فيما اعطيت وقنا واصرف عنا شر ما قضيت. انه لا يزل من واليت. تباركت وتعاليت. اللهم زدنا ولا تنقصنا - [00:41:24](#)

اللهم اكرمنا ولا تهنا. اللهم اعطنا ولا تحرمنا. اللهم اثرننا ولا تؤثر علينا. اللهم اهدنا ويسر الهدى اليها. اللهم تب علينا توبة ترضى بها عنا. تب علينا توبة ترضيك. تب علينا توبة نصوحة. تب علينا توبة لا نرد على اعقابنا بعدها ابدًا. اللهم - [00:41:44](#)

انا نستغفرك من كل ذنب عصيناك به. ونستغفرك من كل صلاة ضيعناها. ونستغفرك من كل ذنب تبنا اليك منه ثم عدنا فيه ونستغفرك من كل امر فعلناه نظنه حلال وهو عندك حرام. يا من تبسط يدك بالليل ليتوب مسيء النهار. تب علينا يا ربنا من - [00:42:04](#)

بالليل والنهار. اللهم تب علينا. اللهم تب علينا. اللهم طهر بلادنا من المواقع الفاسدة. اللهم طهر بلادنا من الزنا والخنا اللهم طهر بلادنا من الخمر والمخدرات. اللهم طهر بلادنا من الرشوة والربا. اللهم طهر بلادنا من التبرج - [00:42:24](#)

اللهم ارض عنا. اللهم افتح لنا من ابواب طاعتك ما ترضى به عنا. اغننا من الفقر. ادع عنا ديوننا. فرج كربنا. اشف امراضنا اهدي قلوبنا زكي لنا نفوسنا اغفر ذنوبنا برحمتك يا ارحم الراحمين. سبحانهك اللهم وبحمدك اشهد ان لا اله الا انت استغفرك واتوب اليك -

[00:42:44](#)

- [00:43:04](#)